

ጾኑሲ ማደም ዳኪንቴ የሃኒሴኮ ቤርታሳ ኪኦቶ ዓይያ ካሮ

ጾኑሲ ማደም ዳኪንቴ የሃኒሴኮ ቤርታሳ ኪኦታ ላምዖ ዴኔፐ ዴኔፐ ማሊሢ ዓርቄያኬ፤ ይያታኦ፡-

ኪኦቶ ናባባ ዓሶኮ ጾኑሲና ዒዛኮ ናዓሢ፡ ዩሱሰ ኪሪሰቶሴና ዋላ ፔቱሞ ዓኣያ ማዓንዳጉዲ ዶዲቫኒና ይያ ፔቱሞ ባይዘኒ ዳንዳዓ ሉኡዙሞ ዔርዚያ ዔሪ ካፒንታንዳጉዲ ላቲ ኬኤዛያኬ። ዩኖ ዋዶና ኬሰኬ ሉኡዙሞ ዔርዚያ፡- «ፑርቱሞ ሙካሢ ሃያ ጴዳ ዓጮና ካኣሚሢ፣ ማዓሢሮ ጾኑሲኮ ናዓሢ፡ ዩሱሴ ፔቱታዖ ዓሲ ማዓኒና ሃሃ ዓሲ ማሊሢ ዓኣያ ማዓኒ ዳንዳዑቀሴ» ጋዓያኬ። ይያታ ሉኡዙሞ ዔርዛ ዓሳ፡- «ዳቂንታ ጌይሢ ናንጊና ናንጊ ዳንቃኒ ጌዒ ማሊ ማታዲሢ ሃሺኬ» ጋዓኔ፤ ሃሃ ዔያታ፡- «ዓሲ <ኮሺኬ፡ ፑርታኬ» ጌዒ ማላ ባኮንታ ማሌ ዓሲ ናሽኪሢንታ ዳቂንታና ፔቱታዖ ዋላ ካኣሙቀሴ» ጋዓኔ።

ሃኖ ኪኦቶ ጻኣፔ ዓሢ ጋዓንቴ ይያ ማሊያ ዒዳ ማኪሢና፡- «ዩሱሰ ኪሪሰቶሴ ፓጫ ባኣዚ ባኣያ ኩሙሢ ዓሲኬ፤ ዩሱሴ ጉሙርቃዞንሢና ጾኑሲ ናሽካዞንሢ ቢያ ዋሊ ናሽካንዳያ ኮይሳኔ» ጌዒ ዓሶም ፔጋሲ ኬኤዜኔ።

ማጻኤላ ዲማ ዲማ ዓርቄ ባኮ

ዓይያ ካሮ (1:1-4)

ፖዒና ዲሚና ኮኦኪንሢ ማሂ ኬኤዚንቴ ባኮ (1:5—2:29)

ጾኑሲ ናይና ጻላሃ ናይና ዛላ (3:1-24)

ጎኔና ሉኡዙሞና ዛላ (4:1-6)

ናሹሞ ዛላ (4:7-21)

ቢያ ባኣዚ ባሻ ጉሙርቄሢ ዛላ (5:1-21)

ናንጊ ቃኣላ

1 ቤርታፓ ዓርቃዖ ዓኣ ናንጎ ቃኣሎ ዛሎ ኑ ዒንሢም ጻኣፔኔ፤ ዩይ ናንጎ ቃኣላ ኩኤኒ ዋይዜሢ፡ ኑ ዓኣፖና ኑ ዛጌሢና ኑ ዳንቄሢ ሃሃ ኑ ኩጮናኣ ኑ ዓርቄሢ ዛሎኬ።

2 ይደናንጎ ማዕሚ ፔጋዲ ጴዳኔ፤ ኦኡኒያ ይያ ዛጌኔ፤ ይያ ዛሎዎ ኦ ማርካዳኔ። ዓዳሚ ኮራ ዓኣ፣ ኦኡማእ ፔጋዲ ጴዳ፣ ናንጊና ናንጎ ኦ ዒንሚም ኬኤዛኔ።

3 ዒንሚኮ ኦኡና ዎላ ፔቱሞ ዓኣያ ማዓንዳጉዲ ኦ ዛጌሚና ዎይዜሚና ዒንሚም ኬኤዛኔ፤ ኦኡኮ ፔቱማ ዓዳሚና ናዓሚ፣ ዬሱስ ኪሪሰቶሴና ዎላኬ።

4 ኦኡኮ ዎዛ ኩሙሚ ማዓንዳጉዲ ሃያ ኦ ዒንሚም ፃኣፔኔ።

ፆኦሲኮ ፖሊ ማዒፆ

5 ዒዛይዳፓ ኦ ዎይዜ ዒንሚም ኬኤዛ ኪኢታ፡- «ፆኦሲ ፖሊኬ፤ ዲሚ ዒዛ ኮራ ፔቱታፆ ባኣሴ» ጋዓያኬ።

6 ዬያር፡- «ፆኦሲና ዎላ ኦኡኮ ፔቱሞ ዓኣኔ» ጌዒ ጌዒ ዲሞይዳ ኦ ናንጋያ ማዕቴ ኦ ሉኡቃኔ፤ ኦ ኬኤዛ ባኮና ማዳ ባኮናኮ ጎኩሞ ባኣሴ ጌይሚኬ።

7 ጋዓንቴ ዒዚ ፖይይዳ ዓኣሚጉዲ ኦኡኒ ፖይይዳ ናንጋቶ ኦኡኮ ዎላና ፔቱሞ ዓኣያ ማዓንዳኔ፤ ሃሃ ዒዛኮ ናዓሚ፣ ዬሱስ ኪሪሰቶሴኮ ሱጉፆ ጎሜ ቢያይዳፓ ኦና ጌኤሻኔ።

8 «ጎሜ ኦኡኮ ባኣሴ» ኦ ጌዔቴ ኦና ኦ ጌሻኔ፤ ጎኩሞዎ ኦ ጊዳ ባኣሴ።

9 ኦኡኮ ጎሞ ፆኦሲም ኦ ቡኡፆቴ ዒዚ ጉሙርቁንታያ፣ ሃሃ ጌኤሺ ማዕሚር ጎሞ ኦኡኮ ቢያ ዓቶም ጋዓንዳኔ፤ ኦ ዳቢንቶይዳፓኣ ቢያ ኦና ዒ ጌኤሻንዳኔ።

10 «ጎሜ ኦ ማዲባኣሴ» ጌዔቴ ፆኦሲ ሉኡዚ ኦ ማሃኔ፤ ዒዛኮ ቃኣላኣ ኦ ጊዳ ባኣሴ።

2

ኪሪሰቶሴ ኦና ማኣዳያ ማዒፆ

1 ታ ናይዮቴ! ሃያ ታ ዒንሚም ፃኣፓሚ ጎሜ ዒንሚ ማዲሞጉዲ ጌይኬ፤ ጋዓንቴ ዓይጎ ዓሲያ ማም ጎሜ ማዲያ ማዕቴ ኦ ዓዳሚ ኮይላ ማዒ ኦ ዛሎ ጌሰታይ ዓኣኔ፤ ዒዚያ ጂሎ ማዕ ዬሱስ ኪሪሰቶሴኬ።

2 ኦኡኮ ጎማ ዓቶም ጌይንታሚ ዒዛናኬ፤ ያዲ ማዓሚ ኦ ጎሞ ሌሊቱሞንቴ ዓጮ ዓሶ ቢያሚሲኬ።

3 ፆኦሲኮ ዓይሚፆ ኦ ኩንሃያ ማዕቴ ኦ ዒዛ ዔራያ ማዒፆ ዬያና ኦ ጎናሲ ዔራንዳኔ።

4 «ፆኦሲ ታ ዔራኔ» ጌይ ጌይ ዒዛኮ ዓይሚፆ ኩንሡሞይ ዓኣቶ ዬይ ሉኡዚ ዓሲኬ፤ ጎኩሞዎ ዒዛይዳ ባኣያኬ።

5 ጋዓንቴ ያኦሲ ቃኦሎም ዓይሢንታሢ ሲያ ያኦሲ ጉቤ ዒናፓ ናሽካኔ፤ ጎኔና ኦኦኮ ያኦሲ ዓሲ ማዒፃ ዔርታሢ ዬያናኩ።

6 «ያኦሲና ታ ናንጋኔ» ጋዓ ዓሲ ኪሪሰቶሴ ናንጌ ጎይፆ ናንጋንዳያ ኮይሳኔ።

ዓኮ ዓይሢፆ

7 ታ ዒጊኖንሢዮቴ! ሃይ ታ ዒንሢም ፃኦፓ ኪኢታ ቤርታፓ ዓርቃፆ ዒንሢ ዔራያ ሃሢ ናንጌያ ማዓንዳኦፓዓቴም ዓኪቱዋሴ፤ ሃይ ናንጌ ዓይሢፆ ቤርታ ዒንሢ ዋይዜ ቃኦሎኩ።

8 ማዔቴያ ኪሪሰቶሴ ናንጎና ዒንሢ ናንጎናይዳ ጎኔ ማዒ ጰዴ፥ ዓኪ ኪኢታ ታ ዒንሢም ፃኦፓኔ፤ ዓይጎር ጌዔቴ ዲማ ባይቂ ጎኩም ፖዒ ፖዒ ፖዒ ዓኦሢርኩ።

9 «ፖዒዳ ታ ናንጋኔ» ጌዒ ጌዒ ፔ ዒሻሢና ፔ ሚሹሎና ዒዳሢ ሃጊ ዲማ ዓኦኦ።

10 ፔ ዒሻሢና ፔ ሚሹሎና ናሽካሢ ሲያ ፖዒዳ ናንጋያኩ፤ ዒዛ ዛሎና ዓሲ ዲቢንቴ ጎሜይዳ ጌላዓኩ።

11 ፔ ዒሻሢና ፔ ሚሹና ዒፃሢ ጋዓንቴ ዲሚዳ ናንጋኔ፤ ሃሢ ዲሞይዳኦ ሃንታኔ ዲማ ዓኦፖ ዒዛኮ ባይዜሢር ዒ ዓኦዳ ቤዘዋ ዔራዋያኩ።

12 ታ ናይዮቴ! ጎማ ዒንሢኮ ኪሪሰቶሴ ሱንፆና ዓቶም ጌይንቴሢር ታ ዒንሢም ፃኦፓኔ።

13 ዓደንሢዮቴ! ቤርታፓ ዓኦሢ፥ ዒዛ ዒንሢ ዔሬሢር ታ ዒንሢም ፃኦፓኔ። ጴጌዘቴ! ፑርታሢ ዒንሢ ባሹሢር ታ ዒንሢም ፃኦፓኔ።

14 ናይዮቴ! ያኦሲ፥ ዓዳሢ ዒንሢ ዔሬሢር ታ ዒንሢም ፃኦፓኔ። ዓደንሢዮቴ! ቤርታኦፓ ዓኦሢ፥ ዒዛ ዒንሢ ዔሬሢር ታ ዒንሢም ፃኦፓኔ። ጴጌዘቴ! ደዲ ዒንሢ ማዔሢር፥ ያኦሲ ቃኦሎናኦ ዒንሢ ደዲ ዓኦሢር ሃሢ ፑርታሢያ ዒንሢ ባሹሢር ታ ዒንሢም ፃኦፓኔ።

15 ሃያ ዓጮንታ ሃያ ዓጮይዳ ዓኦ ዓይጎ ባኦዚያ ናሽኪፖቴ፤ ዓጮ ናሽካ ዓሲ ያኦሲ፥ ዓዳሢ ናሽኩዋያኩ።

16 ዓይጎር ጌዔቴ ዓሲኮ ፑርታ ሱኡኩ፥ ዓኦፐም ኮሽካ ባኦዚና ዓሲ ሄርሽንቴጎ ባኦዚ ሃያ ዓጮፓ ማዓንዳኦፓዓቴም ያኦሲ፥ ዓዳሢዳፓቴዋሴ።

17 ሃያ ዓጮና ሃካ ዓኦ ፑርቶ ሱኡካ ባይቃንዳኔ፤ ያኦሲ ማሊፆ ኩንሢ ናንጋሢ ጋዓንቴ ናንጊና ናንጋንዳኔ።

ኪሪሰቶሴ ዒፃ ማካ ዓሶ ዔሪ ካፒንቴሢ ዛላ

2:7 ዮሃ. 13:34።

18 ታ ናይዮቴ! ሃይ ጋፒንሢ ዋዴኬ፤ «ኪሪሰቶሴ ዒዲ ማካይ ሙካንዳኔ» ጌይንቴሢ ዒንሢ ዋይዜኔ፤ ሃሢያ ሃይሾ ኪሪሰቶሴ ዒዲ ማካይ ሚርጌ ኬሰኬኔ። ያዲ ማዒያና ሃይ ጋፒንያ ዋዶ ማዒሢ ኑ ዒራኔ።

19 ዒያታ ኬሰኬሢ ኑ ባኣካፓኬ፤ ማዒቴያ ቤርታ ዒያታ ጎኔ ኑኡና ዋላ ዓኣያቱዋሴ፤ ዋንዴ ዒያታ ጎኔ ኑኡና ዋላ ዓኣያ ማዒ ዓኣቲ ኑኡና ዋላ ዶዲ ናንጌያ ናንዳንቴኬ፤ ቢያሢ ጎኔ ኑኡና ዋላ ማዒ ባኣያ ማዒሢ ዒያቶኮ ዒርታንዳጉዲ ኑ ባኣካፓ ዒያታ ዲማዲ ኬሰኬኔ።

20 ዒንሢዳ ጋዓንቴ ኪሪሰቶሴ ዓያኖ ጌኡዮ ኬይሴሢር ዒንሢ ቢያሢ ጎኔ ባኮ ዒራኔ።

21 ታኣኒ ዒንሢሞ ፃኣፓሢ ጎኔ ባኮ ዒንሢ ዒራዋኣሢርቴዋሴ፤ ዒንሢ ጎኔ ባኮ ዒዒራኔ፤ ጎኔይዳ ሉኡዙሞ ባኣዚ ባኣሢያ ዒንሢ ዒራኔ።

22 ዓካሪ ዩሱሴ፡- «ሜሲሄ» ማዒሢ «ታ ዒራዋሴ» ጋዒሢዳፓ ዓታዛ ሉኡዚ ጎዖሢ ያናደይ? ያኦሲ ዓዳሢና ናዒሢና «ታ ዒራዋሴ» ጋዒሢ ቢያ ኪሪሰቶሴ ዒዲ ማካሢኬ።

23 ናዒሢ «ታ ዒራዋሴ» ጋዒሢ ዓዳሢያ ዒራዋያኬ፤ ናዒሢ ጉሙርቃሢ ዓደዋ ጉሙርቃኔ።

24 ዒንሢኮ ጋዓንቴ ቤርታ ዒንሢ ዋይዜ ቃኣላ ዒና ዓኣያ ማዖንጎ፤ ያዲ ማዒቴ ዒንሢኮ ናዒሢና ዓደና ዋላ ፔቱሞ ዓኣያ ማዓንዳኔ።

25 ዩይ፤ ኪሪሰቶሴ ኑሞ ዒንጌ ሃጊ ማዓንዳ ዋዛ ናንጊና ናንጎኬ።

26 ዒንሢ ጌሺ ዳቢሳ ዓሶ ዛሎና ሃያ ታ ዒንሢሞ ፃኣፔኔ፤

27 ጋዓንቴ ኪሪሰቶሴይዳፓ ዒንሢ ዒኬ ዓያና ዒንሢዳ ናንጋሢር ሜሌ ያኣኒያ ዒንሢ ዒርዛንዳያ ኮይሱዋሴ፤ ዒዚ ቢያ ባኣዚ ዒንሢ ዒርዛንዳኔ፤ ዒዚ ዒንሢ ዒርዛንዳሢ ጎኔ ባኣዚ ማዓንዳኣፓዓቲሞ ሉኡዙሞቴዋኣሢር ዒዚ ዒንሢ ዒርዛ ጎይዖማ ኪሪሰቶሴና ናንጉዋቴ።

ዖኦሲ ናይ

28 ዓካሪ ታ ናይዮቴ! ዒዚ ሙኪ ጴዳ ዋዶና ኑኡኒ ዒጊጨዋዖ ጫርቂ ዒዛ ኑ ዛጋንዳጉዲና ዒ ሙካኣና ኑ ቦርሲንቴዋጉዲ ዒዛና ናንጉዋቴ፤

29 ዒዚ ዒሎ ማዒሢ ዒንሢ ዒሬቴ ዒሎ ማዳሢ ቢያ ዖኦሲ ናይ ማዒሢ ዒራዋቴ።

3

1 «ጾኑሲ ናይ» ኑ ጌይንታንዳጉዲ ዓዳሢ ወዚጉዳ ናሹዋና ኑና ናሽኬቴ ሂንዳ ዛጉዋቴ! ጎኔ ኑ ጾኑሲ ናኣቶኩ። ዓጫ ዒዛ ዔሪባኣሢሮ ኑናኣ ዔራዋሴ።

2 ታ ዒጊኖንሢዮቴ! ሃሢ ኑኡኒ ጾኑሲ ናይኬ፤ ሃጊ ኑ ወይታንዳቴያ ዔርቲባኣሴ። ጋዓንቴ ኪሪሰቶሴ ሙኪ ጴዳ ወዶና ጎኔና ኑ ዒዛ ዛጋንዳሢሮ ዒዛ ኑ ማላንዳሢ ኑ ዔራኔ።

3 ዬይ ያዲ ማዓንዳያታሢ ኪሪሰቶሴ ዛሎና ሃጊ ማዓንዳ ዋዛ ጌሃሢ ሲያ ኪሪሰቶሴ ጌኤሺ ማዔሢጉዲ ፔና ጌኤሻኔ።

4 ጎሜ ማዳሢ ሲያ ጾኑሲኮ ዋጎ ዑሣ ዓኣዳኔ፤ ወይቲ ጌዔቴ ጎሜ ጌይሢ ጾኑሲ ዋጎኮ ዑሣ ዓኣዳሢታሢሮኬ።

5 ኪሪሰቶሴ ዓሲኮ ጎሞ ጌኤሻኒ ሙኪ ጴዳሢና ዒዛኮ ጎሜ ባኣያታሢ ዒንሢ ዔራኔ።

6 ዬያሮ ኪሪሰቶሴና ናንጋ ዓሲ ሲያ ጎሜ ማዲ ማዲ ናንጉዋሴ፤ ጎሜ ማዲ ማዲ ናንጋ ዓሲ ጋዓንቴ ኪሪሰቶሴ ዛጊባኣያኬ፤ ሃሃ ዔሪባኣያኬ።

7 ታ ናይዮቴ! ጾኑኒያ ዒንሢ ጌሺ ዳቢሱዋጉዲ፤ ኪሪሰቶሴ ጂሎ ማዔሢጉዲ ጂሎ ማዶ ማዳሢ ሲያ ጂሎኬ።

8 ፃላሄ ቤርታኣፓ ዓርቃጾ ጎሜ ማዳያታሢሮ ጎሜ ማዳሢ ሲያ ፃላሄ ናይኬ። ጾኑሲ ናዓሢ ሙኪ ጴዳሢ ፃላሄኮ ማዶ ባይዛኒኬ።

9 ጾኑሲ ናይ ማዔያ ጎሜ ማዲ ማዲ ናንጉዋሴ፤ ሃሃ ማዲ ማዲ ናንጋኒያ ዳንዳዑዋሴ። ወይቲ ጌዔቴ ጾኑሲ ማሊፃ ዒዛይዳ ናንጋሢሮና ጾኑሲ ናይ ዒ ማዔሢሮኬ።

10 ጾኑሲ ናኣቶና ፃላሄ ናኣቶና ዲማዲ ዔርታሢ ዬያናኬ፤ ጂሎ ማዶ ማዶዋያ፣ ሃሃ ፔኤኮ ዒሻሢንታ ሚሾንታ ናሽኩዋኣሢ ሲያ ጾኑሲ ናይቱዋሴ።

ዋሊ ናሽኪሢ ዛላ

11 ቤርታኣፓ ዒንሢ ወይዜ ኪኢታ፡- «ዋሊ ኑ ናሽኩሞ» ጋዓያኬ።

12 ፃላሄ ዓሲ ማዒ ፔ ጌርሲ ወዶ፣ ቃኣዔኤሌጉዲ ማዓንዳያ ኑሞ ኮይሱዋሴ፤ ዒዚ ፔኤኮ ጌርሲ ዓይጎሮ ወዶይ ጌዔቴ ዒዛኮ ማዳ ፑርታ ማዔሢሮና ጌርሲ ማዳ ፒዜ ማዔሢሮኬ።

13 ታ ዒሾንሃ! ታ ሚሾንሃ! ዓጫ ዒንሢ ዒፃቶ ዲቃቲ ሄርሺፖቴ።

3:1 ዮሃ. 1:12። 3:5 ዮሃ. 1:29። 3:11 ዮሃ. 13:34። 3:12 ማኪ. ማፃ 4:8።

14 ኩኒ ኑ ዒሾንሢና ኑ ሚሾንሢና ናሽካሢሮ ሃይቢፓ ናንጊ ባንሢ ኑ ፒንቄሢ ኑ ዔራኔ፤ ናሹሞባኣ ዓሲ ሃይቄያ ማዒ ናንጋኔ።

15 ፔ ዒሻሢና ፔ ሚሾና ዒፃሢ ቢያ ዓሲ ሸምፖ ዎዲያኬ፤ ዓሲ ሸምፖ ዎዲ ዓሲኮ ናንጊና ናንጊ ባኣሢ ዒንሢ ዔራኔ።

16 ናሹሞ ዓይጎ ማዔቴያ ኑ ዔራሢ ዩሱሰ ኪሪሰቶሴ ፔ ሸምፓሢ ኑም ዓኣሢ ዒንጌሢሮኬ፤ ኩኒ ሃሢ ኑ ሸምፓሢ ኑ ዒሾንሢንጎ ሚሾንሢንጎ ሃሎ ዓኣሢ ዒንጋንዳያ ኮይሳኔ።

17 ዓሲ ሃያ ዓጮይዳ ፔኤኮ ቆሎ ዓኣንቴ ሜታዴ ዓሲ ዛጋፖ ሚጨገቲባኣቴ «ያኦሲ ናሽካኔ» ዎይቲ ጋዒ ዳንዳዒያ?

18 ታ ናይዮቴ! ኩኩኮ ናሹማ ጎኔ፣ ሃሢ ማድና ጳዳያ ማፖንጎ፤ ዳንጋና ኬኤዚሢና ሌሊ ማፖፓ።

19 ዩያና ኑ ጎኑሞ ዓሲ ማዒያንጎ ያኦሲ ቤርቶ ዓልቱዎፖ ጉሙርቂ ኑ ሸኢካኒ ዳንዳዒሢ ኑ ዔራኔ።

20 ኩኩኮ ዒና ፑርቶ ማዶ ኑ ማዶሢ፡- «ዳባኔ» ጌዔቴያ ያኦሲ ኩኩኮ ዒናፓ ዑፃ ማዔሢ፤ ሃሢ ቢያ ባኣዚ ዔራያ ማዔሢ ኑ ዔራኔ።

21 ታ ዒጊኖንሢዮቴ! ዒና ኩኩኮ ዳቢንቶ ኑም ኬኤዙዎያ ማዔቴ ያኦሲ ቤርቶይዳ ዓልቱዎያ ኑ ማዓንዳኔ።

22 ያኦሲኮ ዓይሢያ ኑ ኩንሣያና ዒዛ ዎዛሳ ባኣዚ ኑ ማዳያ ማዒሢሮ ኑ ዒዛ ሸኢቃ ባኮ ቢያ ዒዛይዳፓ ኑ ዔካንዳኔ።

23 ዒዛኮ ዓይሢፃ ዒዛኮ ናዒሢ፣ ዩሱሰ ኪሪሰቶሴ ኑ ጉሙርቃንዳጉዲና ሃሢ ኪሪሰቶሴያ ኩና ዓይሢ ጎይፖ ዎሊ ኑ ናሽካንዳጉዲኬ።

24 ያኦሲ ዓይሢያ ኩንሣሢ ቢያ ያኦሲና ናንጋኔ፤ ያኦሲያ ዒዛይዳ ናንጋኔ። ያኦሲ ኩጊዳ ናንጋሢ ኑ ዔራሢ ዒዚ ኩም ዒንጌ ዓያኖናኬ።

4

ዓያና ዲማሲ ዔሪሢ ዛላ

1 ዒጊኖንሢዮቴ! ዓጮይዳ ሚርጌ፣ ሉኤዙሞና ያኦሲ ማሊሢ ኬኤዛያ ማላ ዓሲ ኬሰኬሢሮ ዓያኖ ቢያ ጎኔ ዓያናኬ ጌይፖቴ፤ ዩያይዳፓ ዲቦ ዓያና ያኦሲፓታቴያ ቱዋቴያ ዲማሲ ዔራኒ ዛጉዋቴ።

2 ያኦሲ ዓያኖ ዲማሲ ዒንሢ ዔራኒ ዳንዳዒሢ ያዲኬ፤ ዩይያ፡- ዩሱሰ ኪሪሰቶሴ ዓሲ ማዒ ጳዴሢ ማርካዳ ዓያና ያኦሲ ዓያናኬ፤

3:14 ዮሃ. 5:24። 3:23 ዮሃ. 13:34፤ 15:12፤ 17።

3 ዩሱስ ኪሪስቶስ ዓሲ ማዒ ጴጃሢ ማርካዲዎ ዓያና ያኦሲ ዓያናቱዋሴ፤ ዩይ ዓያና «ሙካንዳኔ» ጌይንቲም ዒንሢ ዋይዜ፤ ኪሪስቶስ ዒፃሢ ዓያናኬ፤ ዩይ ሃሢያ ዓጮይዳ ዓኣኔ።

4 ታ ናይዮቲ! ዒንሢ ያኦሲሮኬ፤ ዒንሢዳ ዓኣ ዓያና ዓጮይዳ ዓኣ ዓያናይዳፓ ባሼኬ፤ ዩያሮ ሉኡቂ ያኦሲ ማሊያ ኬኤዛያ ማላ ዓሶ ዒንሢ ባሼኔ።

5 ዔያታ ሃያ ዓጮሮ ማዔሢሮ ዔያታ ኬኤዛሢ ሃያ ዓጮ ባኣዚኬ፤ ሃይ ዓጮኣ ዔያቶሲ ዋዋይዛኔ።

6 ኦኡኒ ጋዓንቲ ያኦሲሮኬ፤ ያኦሲ ዔራሢ ቢያ ኦኡሲ ዋይዛንዳኔ፤ ያኦሲሮ ማዒባኣሢ ኦ ጋዓሢ ዋይዛዓኬ። ጎኑም ዓያናሮ ሉኡዙም ዓያናሮ ዲማሲ ኦ ዔራንዳሢ ዩያናኬ።

ያኦሲ ዓሲ ናሽካያ ማዔሢ

7 ታ ዒጊሮንሢዮቲ! ናሹም ያኦሲዳፓ ማዔሢሮ ዋሊ ኦ ናሽኮም፤ ዩያይዴቲ ኦ ያኦሲ ናይኬ፤ ያኦሲያ ኦ ዔራኔ።

8 ያኦሲ ዓሲ ናሽካያታሢሮ ናሹም ባኣሢ ያኦሲ ዔሩዋያኬ።

9 ፔኤኮ ናዓሢ ዛሎና ናንጊ ኦ ዴንቃንዳጉዲ ያኦሲ ፔቲ ናሶ ዓጮ ዳኬኔ፤ ዩያና ያኦሲኮ ናሹማ ዋዚጉዴያታቲያ ኦም ፔጋዲ ዔርቲኔ።

10 ኦኡኒ ያኦሲ ናሽኬሢሮቲዋንቲ ዒዚ ኦ ናሽኪ፤ ጎማ ኦኡኮ ዓቶም ጌይንታንዳጉዲ ፔኤኮ ናሶ ዳኬኔ፤ ናሹም ጌይፆ ያዲኬ።

11 ታ ዒጊሮንሢዮቲ! ያኦሲ ኦና ዩያይዲ ናሽኬያ ማዔቲ ኦ ዋሊ ናሽካንዳያ ኮይሳኔ።

12 ያኦሲ ዛጌ ዓሲ ፔቲታዎ ባኣሴ። ኦኡኒ ዋሊ ናሽኬቲ ያኦሲ ኦኡና ዋላ ናንጋንዳኔ፤ ዒዛ ናሹማኣ ጎኔና ኦ ዒና ዓኣያ ማዓንዳኔ።

13 ያኦሲ ፔኤኮ ዓያና ኦማኣ ዒንጌሢሮ ኦኡኒ ዒዛና ናንጋሢንታ ዒዚያ ኦኡና ናንጋሢ ኦ ዔራኔ።

14 ያኦሲ፤ ዓዳሢ ዓጮ ዳቂሻሢ ማሃ ፔ ናዓሢ ዳኬሢ ኦ ዛጌኔ፤ ሃሃ ኦ ማርካዳኔ።

15 ዩሱስ ያኦሲ ናይ ማዔሢ ማርካዳ ዓሲዳ ቢያ ያኦሲ ናንጋኔ፤ ዒዚያ ያኦሲና ናንጋኔ።

16 ዩያሮ ያኦሲ ኦና ናሽካ ናሹም ኦ ዔራኔ፤ ሃሃ ኦ ጉሙርቃኔ። ያኦሲ ዓሲ ናሽካያኬ፤ ናሹም ዓኣ ዓሲ ያኦሲና ናንጋኔ፤ ያኦሲያ ዒዛና ናንጋኔ።

17 ኦኡኒ ጎኔና ዋሊ ናሽኬቲ፤ ሃሃ ኪሪስቶስ ናንጌ ጎይፆ ሃያ ዓጮይዳ ኦ ናንጌቲ ጋፒንፆ ዋጎ ኬሎና ኦ ሂርጉዋዎ ዒዛ ቤርቶ ሺኢካንዳኔ።

18 ናሹሞ ዓኣያታቲ ሂርጋ ባኣሴ፤ ጎኔ ናሹሞ ዒዛ ኬሎና ሂርጋ ባይዛንዳኔ፤ ሂርጋ «ፑርታና ዋጊሳንዳኔ» ጌይ ማሊሂዳፓ ሙካሂረ ሂርጋ ዓሶኮ ናሹማ ኩሙሂ ናሹሞቱቀሶ።

19 ያኦሲ ቤርታዲ ኑና ናሽኬሂረ ኑ ዒዛ ናሽካኔ።

20 «ያኦሲ ታ ናሽካኔ» ጌይ ጌይ ፔ ዒሻሂና ፔ ሚሼሎና ዒፃሂ ሉኡዚ ዓሲኬ፤ ዒ ዴንቃ ፔ ዒሻሂና ፔ ሚሼሎና ናሽኪባኣያ ማዔቲ ዒ ዴንቁዋ ያኦዛሂ ናሽካኒ ዳንዳዑቀሶ።

21 ዬያር ኪሪሰቶሴ ኑሞ ዓይሂ ዓይሂ፡- «ያኦሲ ናሽካሂ ፔ ዒሻሂንታ ፔ ሚሼሎንታ ናሽኮንጎ» ጋዓያኬ።

5

ዓጮ ባሻሂ ሃላ

1 ዬሱሴ ሚሲሄ ማዔሂ ጉሙርቃሂ ቢያ ያኦሲ ናይኬ፤ ዓዳሂ ናሽካሂ ቢያ ናዓሂያ ናሽካኔ።

2 ያኦሲ ናኣቶ ኑ ናሽካያ ማዔሂ ኑ ዔራንዳሂ ያኦሲ ናሽኪ፣ ዒዛኮ ዓይሂያዎ ኑ ኩንሂ ዎድናኬ።

3 ያኦሲ ናሽኪሂ ጌይሂ ዒዛኮ ዓይሂያ ኩንሥሂኬ፤ ዒዛኮ ዓይሂያ ማታሳያቱቀሶ።

4 ዎይቲ ጌዔቲ ያኦሲ ናይ ማዔሂ ቢያ ዓጮ ባሻያታሂረኬ፤ ዓጮ ኑ ባሻንዳሂያ ያኦሲ ጉሙርቂያናኬ።

5 ዓጮ ባሻንዳሂ ዬሱሴ ያኦሲ ናይ ማዔሂ ጉሙርቃሂ ሌሊኬ።

ኪሪሰቶሴ ዛሎ ማርካዲንቲ ማርካቶ

6 ዒዛኮ ማሰቲያ ዔርዛ ዋኣያንታ ሃይቦ ዔርዛ ሱጉያንታ ኬሰኬሂ ዬሱሴ ኪሪሰቶሴይዳፓኬ፤ ዒዛኮ ኬሰኬሂ ዋኣሂ ሌሊቱዋንቲ ዋኣሂና ሱጉሂናኬ፤ ዬይ ጎኔ ማዔሂ ዓያኖ ጌኤዥ ማርካዲኔ፤ ዎይቲ ጌዔቲ ዓያኖ ጌኤዥ ጎኔ ኬኤዛያታሂረኬ።

7 ዬያር ዒዛኮ ሃይሦ ማርካ ዓኣኔ፤

8 ዬያታ ዓያኖ ጌኤሺንታ ዋኣሂንታ ሱጉሂንታኬ፤ ዬንሂ ሃይሦንሂ ማርካዲ ማርካታ ፔቲ ማዓያኬ።

9 ዓሲ ማርካዲ ማርካቶ ኑ ዔካኔ፤ ጋዓንቲ ያኦሲ ማርካታ ቢያይዳፓ ባሽኬ። ያኦሲ ፔኤኮ ናዓሂ ዛሎ ማርካዲ ማርካታ ያዲኬ።

5:3 ዮሃ. 14:15።

10 ያኦሲ ናዓሢ ጉሙርቃሢኮ ዬይ ማርካታ ዒና ዓኣኔ። ያኦሲ ጉሙርቁዋኣሢ ጋዓንቴ ያኦሲ ፔኤኮ ናዖ ዛሎ ማርካዳ ማርካቶ ጉሙርቁባኣሢሮ ያኦሲ ሉኡቄያ ማሃኔ።

11 ዬይ ማርካታ ያኦሲ ናንገና ናንገ ኑም ዒንገሢሢና ዬያ ናንጎ ዒዛኮ ናዓሢ ዒንጋያታሢ ማርካዳያኬ።

12 ያኦሲ ናዓሢ ዓኣሢኮ ናንገ ዓኣኔ፤ ያኦሲ ናዓሢ ባኣሢኮ ጋዓንቴ ናንገ ባኣሴ።

ናንገና ናንገ

13 ዒንሢ፡ ያኣዛሢ ናዓሢ ሱንዖና ጉሙርቃዘንሢኮ ቢያ ናንገና ናንገ ዓኣያ ማዔሢ ዒንሢ ዔራንዳጉዲ ሃያ ቢያ ታ ዒንሢሞ ያኣፓኔ።

14 ዒይጎ ባኣዚያ ማዖም ዒዛ ማሊዖጉዲ ኑ ሺኣቄቴ ኑም ዒ ዋይዘንዳሢ ኑ ጉሙርቃኔ፤ ያኦሲ ቤርታ ኑኡኮ ዓኣ ጫርሹማ ዬያኬ።

15 ኑ ሺኣቃ ባኮ ቢያ ዒ ዋይዘሢ ኑ ዔሬቴ ዒዛይዳፓ ኑ ሺኣቃ ባኮ ቢያ ዔኬሢ ኑ ዔራኔ።

16 ያኣኒያ ፔኤኮ ዒሻሢያ ማዖም ሚሼሎ ዋዲዋ ጎሜ ማዳንቴ ዴንቄቴ ዒዛም ሺኣቆንጎ፤ ዬያ ዓሢና ዓሴሎና ጎማ ዋዲዋያ ማዔቴ ያኦሲ ዒዛም ናንገ ዒንጋንዳኔ። ጋዓንቴ ዋዲ ጎሜ ዓኣኔ፤ ዬያጉዴ ጎሞም ሺኣቆንጎ ታ ጎዑዋሴ።

17 ፑርታ ማዶ ቢያ ጎሜኬ፤ ማዔቴያ ዋዲዋ ጎሜ ዓኣኔ።

18 ያኦሲ ናይ ማዔሢ ቢያ ጎሜ ማዲ ማዲ ናንጉዋኣሢ ኑ ዔራኔ፤ ዋይቴ ጌዔቴ ያኦሲኮ ናዓሢ፡ ዬሱሰ ኪሪሰቶሴ ዒዛ ካፓሢሮኬ፤ ያላሄያ ዒዛ ካኣሙዋሴ።

19 ኑኡኒ ያኦሲ ዓሲ ማዔሢ፤ ሃሃ ዓጫ ጉቤ ያላሄ ዓሲ ማዔሢ ኑ ዔራኔ።

20 ያኦሲ ናዓሢ ሙከሢና ጎኔ ማዔሢ፡ ዒዛ ኑ ዔራንዳጉዲ ማሊ ጳቂሃ ዒና ኑም ዒንገሢሢ ኑ ዔራኔ፤ ኑኡኒ ዬያ ጎኔ ማዔ፡ ዬሱሰ ኪሪሰቶሴና ናንጋኔ፤ ዒዚ ጎኔ ያኦሲ ሃሃ ናንገና ናንገ ዒንጋያኬ።

21 ታ ናይዮቴ! ሜሌ ያኣዘ ካኣሽኪሢዳፓ ዒንሢና ካፑዋቴ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929